



Voss kommune
Postboks 145
5701 Voss

Uttale til oppstartsmelding for områdeplan og sentrumsplan for Vossevangen

Vi viser til utsendt melding om oppstart i saka.

Voss kommune har meldt oppstart av sentrumsplan for Vossevangen. Planen skal utformast som ein områdeplan.

Fylkesmannen støttar forslaget til planprogram slik det ligg føre. Tematisk sett fangar planprogrammet i utgangspunktet opp den faglege breidda og dei utfordringar som er gjeldande for dette planarbeidet. Vi legg likevel til grunn at omsynet til Vossavassdraget, som nasjonalt laksevassdrag vert teke inn som ein del av temaet Natur – blå – grøn ressurs i planarbeidet, jf. Lov om laksefisk og innlandsfisk mv., §§ 1 og 7.

Side 6 og 7 i planprogrammet viser elles dei overordna måla for planprogrammet. Vi vurderer at desse målformuleringane i dokumentet gir eit godt grunnlag for planarbeidet.

Planen har fått ei naturleg avgrensing. Vi vurderer det som positivt at planområdet har blitt relativt stort. Dette vil bidra til å planlegge for meir heilskaplege løysingar, og sjå dei store utfordringane for sentrumsområdet i ein større samanheng. At planprogrammet vektlegg felles byrom med gode møteplassar og legge til rette for meir liv i sentrum er ei god tilnærming til planarbeidet.

Fylkesmannen er innstilt på å medverke i planarbeidet ved behov og ønskjer lukke til med utarbeidinga av planen.

Med helsing

Egil Hauge
fagdirektør

Morten Sageidet
seniorrådgjevar

Brevet er godkjent elektronisk og har derfor inga underskrift.

Kopi til:

Hordaland fylkeskommune Postboks 7900 5020 Bergen